



Seramai 120 mahasiswa memulakan pengajian perubatan mereka di Universiti Teknologi Nanyang (Gambar Siti Nur Afiqah Hussain)

Kohort terbesar seramai 120 mahasiswa mula pengajian perubatan di NTU

16/8/2017 20:31 Update: 17/8/2017 8:29
Oleh: SITI NUR AFIAH HUSSAIN



SINGAPURA: 120 mahasiswa memulakan pengajian perubatan mereka di Universiti Teknologi Nanyang (NTU).

Kumpulan itu merupakan kohort terbesar diterima masuk ke Sekolah Perubatan Lee Kong Chian, kendalian bersama NTU dan Imperial College London.

Upacara Kot Putih ini amat bermakna sebagai simbol permulaan pengajian mereka untuk menjadi seorang doktor.

Ia lebih manis lagi kerana mereka terpaksa bertarung dengan lebih 1,000 pemohon lain untuk menyarung kot putih ini.

Bagi Cik Nur Nadirah Lim, tekadnya untuk berkhidmat dalam bidang perubataan dikuatkan lagi apabila melihat arwah makciknya menderita akibat barah payudara.

"Tiap-tiap malam dia akan bangun dan muntah-muntah atau tak dapat tidur kerana tak selesa. Dan dia meletakkan banyak harapan kepada doktornya kerana apabila dia berjumpa dengan doktornya dia akan memberikan motivasi kepadanya," kongsiinya.



Cik Nur Nadirah, yang suka kanak-kanak memilih untuk mendalami bidang Obstetrik dan Sakit Puan.

Beliau turut menambah: "Antara komuniti Muslimah kita, saya berasa dengan menjadi seorang doktor sebegitu, kita dapat membuat "connection" dengan wanita-wanita sebegini. Dan ia adalah sesuatu yang saya berasa amat bermakna."

Perjalanan mereka untuk bergelar doktor mengambil masa lima tahun.

Namun, apapun bidang yang mereka didalami ia satu penambahan baik kepada masyarakat Singapura.

- BERITAMediacorp/im